

مجموعه سنون

۱۸

جمعیت علمیه عثمانیه

ایکینچی پنه

نومرو ۴۱۴

صفر

استانبول

جمعیت علمیه عثمانیه مطبعه سنده طبع اولنمشدر

۱۲۸۰

(نارنج بانقه بروجده عمومی) (مابعد)

الیوم موجود بولان بیوک بانقه ترك وسعت معاملات و اعمیجه
برنجیسی میلادك ۱۶۹۴ سندسی تأسیس ایدن لوندره بانقه سیدر
فی الحقیقه الك اول ایادی ناسده تداوله مخصوص بانقه تحویلاتی
احداث ایدن مذکور بانقه دكل ایسدهده بانقه تحویلاتی احداثی
حقوقنی نتیجه مطلوبیه موافق صورتده استعمال ایدن واسقونطو
اصولی و صور سائر ايله تجاره اقه اقرض ایدرك معاملات
تجاریه بی تسهیل و توسیعه موفق اولان مذکور بانقه در
بوکا کلنجیه قدر بانقدر كرك اسقونطو و كرك اخر صورتله تجاره
اقه اقرض ایچوب ارن او خنجی نوحه روده بیان اولندیغی ارزره
تجار و سرمایه دارانك یالكر صندوقكارلی خد متنده بولورایدی
لوندره بانقه سی برمنوال محرر اسقونطو اصولی و صور سائر ايله
تجاره اقه اقرضی خصوصی و زمانه بانقدر بنك سائر معاملات
جدیده تجاریه سی اجرا ايله برابر ازمده سابقه بانقدر لینه مخصوص
معاملاتی دخی ترك ایتمدیكندن هم تحویلات متداوله بانقه سی
وهمده اسقونطو و امانت بانقه سی اوله رق بالوجوه دائره
معاملاتی توسیع ایلسدز

مذکور بانقه ك سبب احداثی اولوقت انكلتره فرانسه ايله محارب
بولنوب اداره عسکریه جه مضایقه سی اولدیغندن سرمایه دارانی
بعض امتیاز و فوائد ارا نه سیله اطباع ایدرك دولت دفع مضایقه سنه
مدار اوله حق بر اداره صرافیه تشکیل ایتمك و بوندن قرضا اقه
اله رق محاربه ده دوام ایده بیلک نیتی ایدی بانقه ك امتیاز نامه سی

تنظیم و پارسه مستویه تقدیم اولند قده بر طرفی بانکد نک تأسیسی
 و دیگرى بونک خلافتده اوله رق پارلمستو اعضاسی ایکی
 فرقه اولدیلر . تأسیسی طرفنده بولسا نلر بانکد دولتی فاحش
 فائض الان بر طاقم صرافلرک الندن قور تارر و علی العموم
 فائضک مقدارى تنزل ایدر و املاک و اراضینک قیمتی و دولتی اعتبار
 مالیهسی تزايد ایدرک معاملات تجار به ازهر جهت توسع ایلر
 دیرلر و خلافتده بولسا نلر بانکد احدائی صرافلق معاملاتنى
 ید و احد اصولی هیئتده قویعتی دیمک اولدیغندن نقودک جزو اعظمی
 بانکده تراکم ایدر و مقاوله نامه سی موجبجه بانکد حکومتک تحت
 امرنده بولنده رق حکومت بانکده یی استدیکی کبی
 قوللانه جغندن بانکد نک توسع تجارتیه فائده سی اولدقدن بشقه
 بلکه مضرتی دخی اولور و هر کس سرمایه سنی امور صنایعده
 استعمال ایتدیرک دولت اسهامی و اوراق تجارتیه اخذ و اعطاسنه
 منحصر اولمق اوزره بانکد حصده سی اشترایدر و بوجهته اسهام
 و اوراق بیع و شراسی توسع ایدرک خاق قار مثلاً و جنس سرجه اقله
 قزانمق سوداسنه دوشه جکندن بو کیفیت بالآخره فساد اخلاق
 منبج اولور دیرلر ایدی . بو خصوصده پک چوق مباحثات جریانندن
 صکره اکثریت بانکد نک تأسیسی طرفنده بولندیغندن امتیاز نامه
 تصدیق و قبول اولنده رق بانکد نک تشکیلده قرار و برلدى .

بالاده ذکر اولندیغی اوزره مذکور بانکد نک تأسیسندن مراد دخی
 بر قایچ یوز سنه اول و نندیک و جنوده اولدیغی مثلاً و خزینة دولتی
 دفع مضایقه سی قضیه سی اولدیغندن مقاوله نامه سی اقتضاسیجه

مذکور او ندره بانقد سی ضد الایجاب سرمایہ سنک کافد سنی
دولتہ اقراض ایدہ بیلہ جک و بوکا مقابل یوزده سکر فائضہ سنوی
در بیک لیرا اخذ ایدہ جک ایدی شرائط مذکورہ مؤخرأ مقتضای
وقت و حالہ کورہ تعدیل قلم شد .

مذکور بانقد نك تأسیس شدن صکرہ چوق یکمکسزین کرک فائضک
مقداری و کرک اسقونظ و فیثاتی غایت تنزل ایلدی . و بانقہ غیر
مسکوک التون و کموش و باقر و تیمور و چلیک و سائرہ بی رهن الہرق
یوزده درت فائضہ ایقہ اقراض ایدہ جکنی اعلان ایلدیکنندن
ارباب صنایع و تجارتدن خیلی کسان استقراض ایدرک ایشلرینی
کور دیلر . مذکور بانقہ بمبادیا حسن حال اوزرہ بولنہ میوب آرد صرہ
مضایقہ یہ کرفتار اولہرق تعہداتی و قتیلہ ایفا ایدہ مدیکندن
تمویلاتی یوزده ارن و اون بش و حتی برارائق یوزده بکرمی
بش اشاغی یہ قدر تنزل ایتیش ایسده صکرہ سرمایہ سنی تزید
و سائر تدابیر صائبہ اتیماد و اجراسیلہ اعادہ اعتبارہ موفق
اولم شد .

بانقہ اکثر اوقاتدہ سرمایہ سنک جزو اعظمی دولت امورندہ
قوللانمش ایسده هیچ بروقتدہ معتبران تجارت طرفندن ابراز اولان
پولیچہ و سندات و اوراق سائرہ تجارتیہ پی اسقونظو ایتیمکدن
ورهن الہرق ارباب صنایع و تجارتہ ایقہ اقراض ایلکدن امتناع
ایتیمدیکی جہتلہ انکلتہ تجارتی حقندہ ازفائده سی کورلما مشدر .
باخصوص چیقاردیغی تمویلات متداولہ نك نقل و استعمالندہ
درکار اولان سہولتدن بشقہ تمویلات مذکورہ مناسبیلہ مملکتک

برچوق سرمایہ غیر مخمری سرمایہ مثر صورتہ تحویل قلتدیغندن
انکلهزده فائده عظیمه سی کوریلرک بانقده تأسیسینک لهسنده
بولنارلر افکارینی تصدیق ایتدیسه ده بوندن برنجی مرتبه ده دولت
وایکنجی مرتبه ده بانقده نك سائر مشترکینری ونهایت لوندره اهاالسی
استفاده ایده یلدیلر .

زیرا بانقده نقودك اکثرینی لوندره به جالب ایتدیکندن اگرچه لوندره ده
فائضك مقداری واسقونطونك فیثاتی تنزل ایلدی ایسه ده ممکنك سائر
طرفلرنده بالعکس فائضك واسقونطوفیثاتنك ترقبینی مستلزم اولمغله
شو محذورك دفعی ایچون ایالاتده دخی بانقده لر تشکیله مباشرت
اولندی . فقط کایتلو سرماییه مالک بانقده قومانیلری تشکل
ایدوبده لوندره بانقده سنه رقابت ایده مامسچون ۱۷۰۸ سنه سی
لوندره بانقده سی شرطنامه سنه درج اولانان بعضی شرائط احکامی
اقتضا سنجه الی نفر شرکادن زیاده حصص دارانی بولنن هریر
شرکت بانقده معاملاتنی اجرا سندن وعلى الخصوص بانقده تحویلاتنی
اخراجندن منع اولمغله اشبو ایالات بانقده لری بروجه مأمول
توسع ایده مدیار .

انکلهزده ۱۸۲۶ سنه سی تحویلات متداوله اخراجنه مأذون
سکزیوز طقوز ایالات بانقده لری موجود ایکن اخراج
ایتدکلری تحویلات متداوله نك مجموعی لوندره بانقده سی تحویلات
متداوله سی مقدارینه بالغ اوله ماش ایدی . لوندره بانقده سی
امانة الدیغی اچمده فائض و یرمیبوب ذکر اولنن ایالات
بانقده لری ایسه مقدار مناسب فائض اعطا ایتدیکندن خلقتك ادخار

ایندیکی مبانك استعمالچون برامبتلی محل اولمقله انكلمه جه
اشبو ایالات بانقه لریك سالف الذکر لوندره بانقه سندن زیاده
فائده سی کورلمشدر . ذکر اولسان ایالات بانقه لری لوندره
بانقه سی کی هم تحویلات متداوله و همده اسقونطو و امانت
و پولیجه بانقه لری ایدیسه ده لوندره بانقه سنك حائز اولدیغی
امتیازاتک اکثریسندن محروم اولدقلرندن و باخصوص برمنوال
مسطور بو مثالو بانقه لریك شرکت اعضاسی نظاماً الی نفری
تجاوز ایده مدیکدن ایالات بانقه لری دائره معاملاتلرینی استدکری
کی توسیعه دسترس اوله میوب بو جهته ازه صره ایشلرینه سکنه
عارض اولور ایندی ۱۸۶۶ سنه سی اشبو ایالات بانقه لرندن
سکسان بانقه اظهار افلاس ایلیدیکی جهته اسول عتیقه ک لروم
تغیری ظاهر اولمقله کیفیت پارلمنتوده لدی المداکره لوندره
بانقه سنك محافظه امتیازی ایچون بعض شرائط تحسند
اوله رق بو مثالو ایالات بانقه لری اعضای شرکتک دخی غیر محدود
اوله یلمسته رخصت اعطا اولندی . بونک اوزرینه اولدقجه
جسم ایالات بانقه لری تشکل ایدوب عموماً انکلمه ده امر تجارتجه
حسن تأثیراتی مشاهده اولمشدر .

لوندره بانقه سنك با شلیجه معاملاتی دولت طرفندن مأذون اولدیغی
واردات میریه ک اخذ و جعی و دیانتک حواله ایندیکی دیونک
تسویه سی و دولته بر مقدار معینه قدر اقه اراض و سندات
تجاریه اسقونطو ایلمسی و رهن الهرق اهل صنایع و تجارتیه قرضاً
اقه اعطاسی و فائض و یرمیه ک اهالی طرفندن تودیع اولسان

اما مالک حفظی خصوصاً نردن عبارتند . مذکور لوندزه بانکد سی تشکیل اولده لی الیوم یوز التمس طقوز سنه اولوب برمنوال محرر مدت مزبوره ظرفنده بعض وقوعات فوق العاده یه مبنی ارده صره اعتبارینه خلال کلدرك تحویلات متداو له سی یوزده یگر می بشه قدر تنزل ایلش ایسده ده اعاده اعتبار ایدرك الیوم کافه ممالک بانکد زینه متفوق و تحویلات متداو له سی مسکوکات ایله باش اوله رق هر بر محله معتبردر .

اسقوچیا ده اول امر ده برنجیسی ۱۶۹۱ ایکنجیسی ۱۷۲۷ اوچنجی ۱۷۴۷ تاریخنده اوج بانکد شکل ایدوب مؤخرأ یوزلر برلشیدیر یله رك دولتک رخصتیه الآن موجود اولان اسقوچیا بانکد سی تشکیل اولنش و یوندن صکره بلا رخصت اسقوچیا نک هر طرفنده متعدد بانکدر کشاد قلمشدر . الی نفر دن زیاده اعضا سی یولسان هر بر قوم پانیه نک بانکد معاملات ی اجرا ایده مامسی و تحویلات متداو له چیقاره مامسنه داعر ۱۷۰۸ سنه سی لوندزه بانکد سی امیاز شرطنامه سنه درج اولسان شرائط احکامی اولوقت اسقوچیا نک انکتره ایله هنوز برلشماش بولنسی مناسبیله اسقوچیا ده جاری اولدیغندن مملکت مذکور ده اعضا ی شرکتی نامحدود اولان ایالات بانکدر ی تأسیسنه انکتره دن اول بدأ اولمشدر . اسقوچیا بانکد سی امانه اخذ ایتدیکی اچقدن اجرت حفظیه المدقندن بشقه انتخابنه فائض دخی و یردیکنندن و سائر اصول و معاملات یجه عموم ناس حقنده دها خیر لو اولدیغندن ممالک سائر بانکدر بینه رحبانیتی دیکاردر . اسقوچیا بانکد سنک

سرمایه‌سی، انکلترة بانقده‌سی سرمایه‌سنگ انجق سدسند مقابل
اولور ایکن اسقوچیا بانقده‌سند بولتان امانت الحقنك مقداری
انکلترة بانقده‌سند بولتان مبالغ مودوعه‌نك تضمیناً اوج قاتنه مساویدر.
۱۷۱۶ سندسی فرانسه‌ده اسقوچیاالی موسیو (لو) معرفتیه
بر بانقه کشاد اولندی. بونك سرمایه‌سی بهری بشریک لیرانق
ایکی یوز حصه‌یه منقسم الی میلیون لیرادن عبارت اولوب شرايط
ونظاماتی دخی همان انکلترة بانقه‌سی کی ایدی. اشبو بانقه درت
سند قدر دوام ایتدکن صکره بعض سوء استعمالات وقوعی
جهتیه ۱۷۲۰ سندسند اظهار افلاس ایلدی. بوندن الی سند
مرورینه قدر فرانسه‌ده بومثالوتشباشانه ابتدار اولنیوب ۱۷۷۶
سندسی معتبران صرافاندن موسیو شود و موسیو قلوناردك
تکلیفی اوزرینه برنوع اسقونطوبانقه‌سی تشکیل اولمش و بو
اولکندن ده‌ها زیاده ممتداواهرق فرانسه‌نك برنجی اختلالنه قدر
دوام ایدوب اختلال مذکور اثاسنده حکومت جمهوریه طرفندن
الفا قلمشدر. مؤخرأ اختلال مندفع اولدقه چند سند مرور
ایدر ایتمز بعض خصوصی بانقدهلر تشکیل ایتدیسده اولوقت باش
قونسلاوس بولتان برنجی نابولون امتیازلو برعمومی بانقه تشکیلی
مملکتیچذ ده‌ها فائده‌لواوله جعنی تصور ایدوب خصوصی بانقدهلری
براشدیره‌لک اختلال تاریخنك اون برنجی سندسی الیوم موجود
اولان فرانسه بانقه‌سنی تشکیل ایلدی. فرانسه‌نك مناسب
کوریلان ایالاتنده امتیازلو دیگر بانقدهلر کشادینه دولتك صلاحیتی
اواہ بتلسی شرطیاه مذکور بانقه‌یه تمویلات متداواه احدائی

امتیازی ویرلیدی و بوبانقہ دیگر لری کی اولیوب ارہ صرہ اعتبار ینہ
 بعض مرتبہ سکنہ کل دیسده تدایر صائبہ ایله ایشنی یولنہ قومش
 و فرانسه جہ محسنات کثیر دسی مشاہدہ اولمشدر .

فرانسه دہ دخی خلیجہ ایالات بانقہ لری تشکل ایش ایسده
 انکثرہ یہ نسبتہ غایت جزئی اولدیغدن بشقہ مستقل اولدقاری
 جہتلہ پارس بانقہ سنجہ بعض مرتبہ ضرر لری اولدیغی اکلاشلدیغدن
 مؤخرأ بوزلر پارس بانقہ سندہ الحاق اولنہ رق جہلہ سی برلشدیرلشددر .

سالف البیان فرانسه بانقہ سنک تأسیس سنہ میلادک ۱۸۰۳ سندسی
 قرار ویریلوب ۱۸۰۸ سندسی نظامنامہ داخلہ سی تصدیق
 اولمشدر . مدت امتیازیہ سی برقاج دفعہ تمید اولوب تمید
 اخیرک حکمی بیک سکز یوز التمش یدی سنہ سنہ قدر جاری
 اولہ جقدر . ابتدای امر دہ سرمایہ سی بہری بیک فرانقلق قرق بشبیک
 حصہ یہ منقسم قرق بش میلیون فرانقدن عبارت ایکن بیک سکز
 یوز الی سندسی طقسان مایونہ ابلاغ و مؤخرأ التمش یدی میلیون
 طقوز یوز بیک فرانقہ تنزیل قلمشدر . خیلی مدت بو حال اوزرہ
 دوام ایدوب بیک سکز یوز قرق سکز سندسی سالف الذکر ایالات
 بانقہ لری بیک الحاقی مناسبیلہ سرمایہ سی طقسان بر میلیون ایکی یوز الی
 بیک فرانقہ رسیدہ اولمشدر . بوندن بشقہ اون الی میلیون طقوز یوز
 سکز سان بیک یدی یوز الی فرانقدن عبارت برده سرمایہ احتیاطہ سی
 واردر . مذکور بانقہ نظامنامہ سی اقتضا سنجہ مقدمہ لری انجیق
 سرمایہ سنک اوج مثلی تحویلات اخراجہ مأذون ایکن ۱۸۴۸

سند سندبرو سرمایه سنگ درت بش مثل تحویلات اخراجی
ایچون رخصت تحصیل ایشدر .

بانقه نك اداره سی متعدد مجلسله محول اولوب بونلرک اعضاسی
حصه داران طرفندن انتخاب و حکومت طرفندن دخی بانقه نك
امورینه نظارت ایتک اوزره برناظر ایله برناظر وکیلی تعیین قلنور .
مذکور بانقه حصه دارلی فوق الما مول تمتع ایدر .

اوقات معینه ده بانقه نك حال حاضری دفتری طبع و نشر اولنور .
مذکور بانقه نك مرکزی پارسیده اولوب معبران تجارندن
اوج کسبنک امضایله ممضی هر درلو بونولری و سائر سندات
تجاریه بی وقت و حاله کوره ترقی و تدنی ایدرفیئات ایله اسقونط و ایدر .
ودولت اسهامنی واستقراض تحویلاتی و تیمور یولاری و سائر
عمیلات نافع قومپانیه لری حصه لری و سیم وزر سبیکه لری
و مسکوکات اجنبیه بی رهن الارق اچقه اقراض ایله و اشیای
مودوعه نك قیمنه کوره یوزده یارم اجرت حفظیه الارق هر درلو
اسهام و تحویلات و مسکوک و غیر مسکوک التون و کوش و مجوهراتی
امانه اخذ و حفظ ایدر . حامله عائد اولق و اسنلندیکی انده بدلی
باشه باش مسکوکات اولارق تأدیه قلنق شرطیه بانقه تحویلاتی
احدائی امتیازینه متصرفدر . تحویلات مذکوره ابتدازی یالکز
یکرو بشیوزر فرانقلق اولدیخی حالده مؤخرأ ایکبشر یوز و یوزر
فرانقلق تحویلات دخی چیقارلمشدر .

فرانسه نك مرکز تجارت اولان بالجه شهرلنده مذکور بانقه نك
شعبه لری واردر . بانقه نك اچقه سی غایت متین و مستحکم مخزنلرده

موضوع در . مذکور مخزن نلرک قبولی تیمور اولوب اوج اختیاری
کلیدری وارد . وادم کیره ماملک ایچون اسئندلده کده در حال
جمله سی صوایله طولدی ریلور . ایقه و سیکدلر فوجیلده موضوع
اولوب اخراجی بعضی اصول و شرائط اجرا سند متوقف اولدیغندن
سرفت وقوعی متعسر و بلکه متعذر در .
ممالک مجتمعه امر یقاده قطعه مذکوره انگلیز له مر بوط اولدیغی
حالیله بیله بعضی بانقده ل وازایدی ۱۸۱۱ سنه سی درون ممالکده
سکسان بانقه موجود و بو بانقده لک جمه سرمایه لری ایکی یوز
اوتوز میلیون فرانقه بالغ ایدی . مؤخرأ تراید ایدرک ۱۸۳۷ سنه سی
القی یوز ایتتمش یدی یه رسیده اولوب بونلرک سرمایه سی
۲،۰۴۱،۲۰۰،۰۰۰ ایکی میلیارد قرق بر میلیون ایکوز بیک فرانقه
واصل اولمشیدی . بانقده لک عددی صکره لری ده ها زیاده تکر
ایدرک ۱۸۵۱ سنه سی طقوز یوز نکر می بر اولمشدر ۱۷۹۰ سنه سی ممالک
مجتمعه امر یقا بانقه سی نامیله سائر بانقه له مرجع اولسق اوزره
بر بانقه تشکیل و برارالق لغو اولوب ۱۸۱۶ سنه سنده تکرار تأسیس
اولدی . اشبو بانقده لک سرمایه سی دیگر لری نه نسبت بر قاج قات
زیاده اولدیغندن داخل اتفاق بولان سائر حکومتلر بانقده لری نه
ازهر جهت تفوق ایتتمش ایسدهده بعضی اسبابه مبنی حکومتله
اویوشه مدیغندن و یریلان امتیاز سلب اولمغله کسب ایتدیکی
وسعت و اهمیت زایل اوله رق سائر بانقده لدرجه سنه نزل ایشدر .
(قدری)